

გ ა ნ ც ხ ა დ ე ბ ა

სსიპ- ივანე ჯავახიშვილის სახელობის თბილისის სახელმწიფო უნივერსიტეტის დამოუკიდებელი სამეცნიერო-კვლევითი ერთეულის - **არნ. ჩიქობავას სახელობის ენათმეცნიერების ინსტიტუტის** სამეცნიერო სტრუქტურული ერთეულის ხელმძღვანელის, მთავარი მეცნიერი თანამშრომლის ვაკანტურ თანამდებობაზე ასარჩევად კონკურსის გამოცხადების შესახებ

1. **არნ. ჩიქობავას სახელობის ენათმეცნიერების ინსტიტუტის** სამეცნიერო სტრუქტურული ერთეულის ხელმძღვანელს, თსუ დამოუკიდებელი სამეცნიერო-კვლევითი ერთეულის - *არნოლდ ჩიქობავას სახელობის ენათმეცნიერების ინსტიტუტის* დებულების შესაბამისად, ღია კონკურსის საფუძველზე ირჩევს ინსტიტუტის სამეცნიერო საბჭო და ამტკიცებს ინსტიტუტის დირექტორი.
2. **არნოლდ ჩიქობავას სახელობის ენათმეცნიერების ინსტიტუტის სამეცნიერო სტრუქტურული ერთეულების ხელმძღვანელად** შეიძლება აირჩეს პირი, რომელიც აკმაყოფილებს **არნოლდ ჩიქობავას სახელობის ენათმეცნიერების ინსტიტუტის** მთავარი მეცნიერი თანამშრომლისთვის (ვადიანი, უვადო) ან უფროსი მეცნიერი თანამშრომლისთვის დადგენილ მოთხოვნებს, რაც გათვალისწინებულია თსუ აკადემიური საბჭოს 2017 წლის 31 მაისის N63/2017 დადგენილებით მიღებული და წარმომადგენლობითი საბჭოს 2017 წლის 23 ივნისის N3 სხდომის ოქმით დამტკიცებული „სსიპ - ივანე ჯავახიშვილის სახელობის თბილისის სახელმწიფო უნივერსიტეტის დამოუკიდებელი სამეცნიერო-კვლევითი ერთეულის სამეცნიერო პერსონალის სამსახურში მიღების ერთიანი წესი“-თ და სამეცნიერო თანამდებობის დაკავების დამატებითი პირობების მე-2 მუხლითა და „საკონკურსო თანამდებობებისათვის განსაზღვრული კრიტერიუმები ინსტიტუტების და სამეცნიერო თანამდებობების მიხედვით“ მე-10 მუხლის მე-2 პუნქტით ან მესამე პუნქტით.
3. **კონკურსი ცხადდება** არნოლდ ჩიქობავას სახელობის ენათმეცნიერების ინსტიტუტის **ქართველურ ენათა განყოფილების ხელმძღვანელის**, (მთავარი მეცნიერი თანამშრომლის) (10 წლის ვადით) თანამდებობაზე - 1 სამტატო ერთეული.
4. **კანდიდატი უნდა აკმაყოფილებდეს:**
 - 4.1 მთავარი მეცნიერი თანამშრომლისათვის მთავარი მეცნიერი თანამშრომლისათვის დადგენილ ძირითად მოთხოვნებს (ვაკანსიის პროფილის მიხედვით), რაც მდგომარეობს შემდეგში:
 - ა) მთავარი მეცნიერი თანამშრომელი (ვადიანი) - დოქტორის ან მასთან გათანაბრებული აკადემიური ხარისხი, სამეცნიერო-კვლევითი საქმიანობის არანაკლებ 6 წლის გამოცდილება (რაც გულისხმობს არამხოლოდ სამეცნიერო-კვლევით, უმაღლეს საგანმანათლებლო ან სხვა პროფილურ დაწესებულებაში სამეცნიერო თანამდებობაზე მუშაობას, არამედ გამოქვეყნებულ სამეცნიერო პუბლიკაციებსაც), ბოლო 10 წლის განმავლობაში გამოქვეყნებული ან გამოსაქვეყნებლად მიღებული სამეცნიერო პუბლიკაციები, მათ შორის არანაკლებ 3 რეიტინგული სამეცნიერო პუბლიკაცია მაინც სამეცნიერო-კვლევითი პროდუქციის კლასიფიკაციის მიხედვით.
 - 4.2 კანდიდატს უნდა ჰქონდეს სამეცნიერო-ორგანიზაციული მუშაობის (მენეჯმენტის), კერძოდ, საერთაშორისო ან ადგილობრივი სამეცნიერო ფორუმების საორგანიზაციო ან სამეცნიერო კომიტეტებში მუშაობის გამოცდილება.

შენიშვნა: კონკურსის მიმდინარეობისას კონკურსანტთა შორის თანაბარი მონაცემების არსებობის შემთხვევაში უპირატესობა მიენიჭება სამსახურებრივი შეთავსების **არმქონე** კონკურსანტს.

N	სამეცნიერო-კვლევითი პროდუქტის სახეობა
1	* მაღალ-რეიტინგული რეცენზირებული (საერთაშორისო რეცენზირების მქონე Peer-reviewed) სამეცნიერო მონოგრაფია უცხო ენაზე (მათ შორის ლექსიკოგრაფიული, წყაროთმცოდნეობითი, ტექსტოლოგიური კვლევების ამსახველი მონოგრაფია), რომელიც ინდექსირებულია Scopus, SCImago Journal & Country Rank, ResearchGate-ის მიერ.
	* იმპაქტ-ფაქტორის მქონე სამეცნიერო სტატია, რომელიც ინდექსირებულია ტომსონ როიტერის Web of Science-ის მიერ.
	* სამეცნიერო სტატია გამოქვეყნებული ჟურნალში, რომელიც აღიარებულია ERIH-ის (European Reference Index of the Humanities) მიერ.
2	* სამეცნიერო სტატია, რომელიც ინდექსირებულია ტომსონ როიტერის Web of Science, Scopus, SCImago Journal & Country Rank, ResearchGate-ის მიერ.
	* სტატიები/თავები წიგნში, საკონფერენციო მასალებში ან კრებულში, რომლებიც ინდექსირებულია ტომსონ როიტერის Web of Science-ის ან Scopus-ის საკონფერენციო მასალების ციტირების ინდექსით.
	* ქართულენოვანი ან სხვა ენაზე შესრულებული, რეცენზირებული (რეცენზირების მქონე Peer-reviewed) მონოგრაფია (მათ შორის ლექსიკოგრაფიული, წყაროთმცოდნეობითი, ტექსტოლოგიური კვლევების ამსახველი მონოგრაფია)*.
3	* რეცენზირებული (Peer-reviewed) სამეცნიერო სტატიები სხვა საერთაშორისო ჟურნალებში*, რომლებსაც აქვთ ISSN კოდი და ჰყავთ საერთაშორისო სარედაქციო საბჭო, ასევე რომლებიც ვრცელდება საერთაშორისო მასშტაბით და არის ღია საერთაშორისო კონტრიბუციისთვის.
	* სამეცნიერო სტატიები, რომლებიც ინდექსირებულია Google Scholar-ში.
	* ქართველოლოგიურ და სამართლის მეცნიერების დარგებში მოღვაწე აკადემიური პერსონალისთვის რეცენზირებული სამეცნიერო სტატიები გამოქვეყნებული ქართულ სამეცნიერო ჟურნალებში*, რომელთაც ჰყავთ ადგილობრივი სარედაქციო საბჭო და აქვთ ISSN კოდი.
	* სტატიები/თავები წიგნში, საკონფერენციო მასალებში ან კრებულში, რომლებიც ინდექსირებულია Google Scholar-ში.
4	* საკონფერენციო თეზისები, ინდექსირებული ტომსონ როიტერის Web of Science ან Scopus-ის მიერ.
	* საკონფერენციო თეზისები, ინდექსირებული Google Scholar-ის მიერ.

1. კანდიდატმა უნდა წარმოადგინოს:

- **განცხადება** ინსტიტუტის სამეცნიერო საბჭოს სახელზე (შეივსება ადგილზე);
- **პირადობის** დამადასტურებელი დოკუმენტის (პასპორტი, პირადობის მოწმობა) ასლი;
- შესაბამისი **აკადემიური ხარისხის** დამადასტურებელი დოკუმენტის (დიპლომი) ასლი; უცხო ქვეყანაში მიღებული განათლების ან/და სამეცნიერო ხარისხის აღიარების კანონმდებლობით დადგენილი წესით გაცემული დოკუმენტის (ასეთის არსებობის შემთხვევაში) ასლი;
- **ავტობიოგრაფია (CV), სამეცნიერო საქმიანობის გამოცდილების** ამსახველი ინფორმაცია

[*მიუთითეთ:* ა) თქვენი ძირითადი სამუშაო ადგილი; ბ) ავტობიოგრაფია წარმოდგენილი უნდა იყოს როგორც ნაბეჭდი, ისე ელექტრონული (CD) სახით, ფაილის ფორმატი – Word და PDF ფაილების სახით; □ **სამეცნიერო-კვლევითი პროდუქციის** ჩამონათვალი

[*მიუთითეთ*: თარიღები და, არსებობის შემთხვევაში, სამეცნიერო-კვლევით პროექტებში მონაწილეობა];

- სამსახურობრივი გამოცდილების ამსახველი კანონმდებლობით დადგენილი წესით გაცემული დოკუმენტი (ცნობა/შრომის წიგნაკის ასლი/სხვ.);
- ცნობა სქესობრივი თავისუფლებისა და ხელშეუხებლობის წინააღმდეგ მიმართულ დანაშაულთან ბრძოლის შესახებ;
- სამეცნიერო-ორგანიზაციული მუშაობის გამოცდილების დამადასტურებელი დოკუმენტი;
- განყოფილების წინაშე მდგარი ამოცანების გადაჭრისა და ფუნქციების შესრულების მისეული **ხედვა** (კონცეფცია).

2. კონკურსი გამოცხადდეს ამა წლის 10 დეკემბერს.

საკონკურსო დოკუმენტაციის მიღება იწარმოებს 2026 წლის 11 იანვრიდან 14 იანვრის ჩათვლით (11 საათიდან 17 საათამდე), არნ. ჩიქობავას სახ. ენათმეცნიერების ინსტიტუტში, მისამართი: თბილისი, ჭავჭავაძის . №18, თსუ მე-8 კორპუსი, IV სართული; ასევე ელექტრონულ მისამართზე: contact.icege@gmail.com; ტელ. 599 400 728;

ინსტიტუტის დირექტორის ბრძანება ქართველურ ენათა განყოფილების ხელმძღვანელის თანამდებობაზე საბჭოს მიერ არჩეული პირის დამტკიცების შესახებ ეცნობოს **თსუ-ის** ადმინისტრაციას - არა უგვიანეს **2026 წლის 22 იანვრისა**.